


石
字
十
二
分



大

明會典

卷一百六十

工部十四

諸司

船隻

工部

在東

并沿海去處每歲海運遼東糧儲船

隻。每年一次修理。其各衛征戰風快船隻等

項。若有缺少損壞及當修理者。務要會計木

釘灰油麻藤及所用貢具。依數撥用。如有不

敷。亦當預為規畫。或令軍民採辦。或就客商

收買。或外處撥支。審度便利。定擬奏

聞。行下龍江提舉司。計料明白。行移各庫。放支物料。

其工程物件。照依料例文冊。然後興工。如或
新造海運船隻。須要度量產木水便地方。差
人打造。其風快小船。就京打造者。亦須依例
計造。木料等項。就於各場庫支撥。若內外有
船隻。務要周知其數。設或需索運用。酌量勞
逸。多寡撥與。其各湖河泊所。帶辦魚油鰾。每
歲催督進納。備用。

一千料海船一隻合用

杉木三百二根

雜木一百四十九根

株木二十根

榆木舵桿二根

栗木二根

櫓坯三十八枝

丁線三萬五千七百四十二箇

雜作一百六十一條箇

桐油三千一十二斤八兩

石灰九千三十七斤八兩

艙麻一千二百五十三斤三兩二錢

船上什物

絡麻一千二百九十四斤

黃藤八百八十五斤

白麻二十斤

棕毛二千二百八十三斤一十二兩

四百料鑽風海船一隻合用

杉木二百二十八根

桅心木二根

雜木六十七根

鐵力木舵桿二根

櫓坯二十枝

松木五根

丁線一萬八千五百八十箇

雜作九十四條箇

桐魚油一千一斤一十五兩

石灰三千五斤一十三兩

艙麻七百二十九斤八兩八錢

船上什物

絡麻五百七十四斤一十四兩四錢

黃藤三百八十三斤八兩

棕毛七百三斤

白麻一十斤

事例

後定四百料糧船一隻合用

底板楠木三根

棧板楠木三根

出脚楠木一根

梁頭雜木三根

前後伏獅拿獅雜木二根

草鞋底榆木一根

封頭楠木連三方一塊

封梢楠木短方一塊

挽脚梁雜木一段

面梁楠木連二方一塊

將軍柱雜木一段

桅夾雜木一段

大小釘蠟七百箇

艙麻二百斤

油灰六百斤

桐油三十斤

船上什物

大桅一根

頭桅一根

大篷一扇

頭篷一扇

緯索三副

度緯三條

貓纜一條

貓頂一條

繫水一條

絛簞一條

箍頭繩一條

八皮四條

撐簞三條

抱桅索二副

櫓四枝

脚索二副

招頭木一根

篙子十條

挽子一把

水橛二根

榔頭一箇

跳板一塊

櫓跳四塊

櫓繩四條

岸斗一箇

鐵猫一箇

吊桶一箇

挨簷木二根

竹水斗一箇

舵一扇

舵牙一根

舵閘門棒一根

水桶一箇

前後襯倉水基竹瓦

蓋蓬并襯倉蘆席

各項船隻

一黃船

國初造黃船制有大小皆為

御用之物。至洪熙元年。計三十七隻。正統十一年。計

二十五隻。常以十隻留京師。河下聽用。成化

八年。本部奏准。照快船事例。定限五年一修。十年成造。其停泊去處。常用廠房。苦蓋軍夫看守。

一馬快船

國初四川雲南。市易馬騾及蠻夷酋長貢馬者。皆由大江。以達京師。有司載送。悉用民船。洪武十年。命武昌岳州荊州歸州。各造馬船五十隻。每隻定民夫三十人。以備轉送。

一海運船

永樂五年。改造海運船二百四十九隻。備使

西洋諸國。○正統七年。令南京造遮洋船三百五十隻。給官軍。由海道運糧赴薊州等倉。○登州衛。每年裝運遼東布花鈔錠。原設海船一百隻。正統間。止存三十一隻。

一鮮船

南京各該衙門。每年進貢等項物件。共三十起。用船一百六十二隻。

南京司禮監二起。

制帛一起。計二十扛。實用船五隻。

筆料一起。實用船二隻。

南京守備并尚膳監等衙門各項物件。二十八起。實用船一百五十五隻
用冰物件六起

守備處三起

鮮梅四十扛。或三十五扛。實用船八隻
枇杷四十扛。或三十五扛。實用船八隻
楊梅四十扛。或三十五扛。實用船八隻

尚膳監三起

鮮笋四十五扛。實用船八隻
頭起鮓魚四十四扛。實用船七隻

二起鮓魚四十四扛。實用船七隻
不用冰物件二十二起

守備處五起

鮮藕。荸薺。橄欖等物五十五扛。實用船六隻
鮮茶十二扛。實用船四隻

木樺花十二扛。實用船二隻

石榴。柿子。四十五扛。實用船六隻

柑。橘。甘蔗。五十扛。實用船六隻

尚膳監八起

天鰾等物二十六扛。實用船三隻

醃菜臺等物共一百三十罇實用船七隻
糟笋一百二十罇實用船五隻

蜜煎櫻桃等物七十罇實用船四隻

乾鮓魚等物一百二十盒罇箱實用船七隻

紫蘇糕等物二百四十八罇實用船八隻

木樨花煎等物一百五罇實用船四隻

鵝鵝等物十五扛。實用船二隻

司苑局五起

芋薺七十扛。實用船四隻

薑種芋苗等物八十扛。實用船五隻

苗薑一百担。實用船六隻

鮮藕六十五扛。實用船五隻

十樣果一百四十扛。實用船六隻

內府供用庫三起

香稻五十扛。實用船六隻

苗薑等物一百五十五扛。實用船六隻

十樣果一百一十五扛。實用船五隻

御馬監一起

首蓓種四十扛。實用船二隻

一備倭船

沿海衛所每千戶所設備倭船十隻。每一百戶。備倭船一隻。每一衛五所。共船五十隻。每船旗軍一百名。春夏出哨。秋回守。月支行糧。四斗。船有虧折。有司補造。損者軍自修理。一戰船。

新江口戰船。永樂五年。額設一百三十一隻。宣德以後。增至三百一十九隻。至成化十年。堪操者。止有一百四十隻。拆卸未造。內三四百料者。俱改造。二百料快船。一糧船。

各處官軍。僱運糧。共淺船一萬三千餘隻。湖廣。江西。浙江。三都司。江南衛分。皆於本處改造。其南京。江北。直隸。及山東等。都司。船八千餘隻。例於衛河。清江。提舉司。改造。松木者。五年一造。雜木者。七年一造。杉木者。十年一造。一各衛所。見駕遮洋淺船。共一萬八百六十六隻。有司五千一百四十隻。加一百六十三隻。清江提舉司。四千七百四十隻。內除一千四十六隻。衛河提舉司。九百八十隻。遮洋三百四十六隻。淺船六百三十四隻。內除三百二

十隻

一各原衛所造船

江南直隸。一千三百五十一隻

鎮江衛。一百七十八隻

蘇州衛。二百一十九隻。舊除二十七隻。新

添一百七十八隻

太倉衛。九十五隻

鎮海衛。一百三十六隻

建陽衛。一百二十八隻

宣州衛。五十隻

新安衛。一百隻

安慶衛。二百隻

九江衛。一百五十五隻

松江守禦千戶所。五十隻

守禦嘉興中左千戶所。四十隻

浙江。一千九百九十九隻

杭州前衛。一百九十七隻。無除

杭州右衛。二百一十九隻

紹興衛。二百四十八隻

寧波衛。二百八十七隻

台州衛二百七十八隻

温州衛二百七十一隻

慶州衛一百九十隻

湖州守禦千戶所五十七隻

嚴州守禦千戶所九十七隻

海寧守禦千戶所三十四隻

金華守禦千戶所二十五隻

衢州守禦千戶所四十九隻

海寧衛四十七隻

江西八百六十六隻

南昌前衛一百八十隻除二隻

南昌左衛一百三十二隻

袁州衛一百七十六隻

贛州衛一百隻

吉安守禦千戶所六十三隻

安福守禦千戶所四十隻

永新守禦千戶所三十五隻

撫州守禦千戶所五十隻

建昌守禦千戶所三十二隻

鉛山守禦千戶所四十三隻

廣信守禦千戶所三十五隻

饒州守禦千戶所五十二隻

湖廣九百二十四隻

武昌左衛一百八隻多二隻

武昌衛一百一十六隻

岳州衛六十一隻

荊州左衛四十三隻

荊州衛四十七隻

荊州右衛四十八隻

安陸衛九十七隻

沔陽衛九十六隻

襄陽衛四十四隻

蘄州衛一百二十八隻

黃州衛一百隻

德安守禦千戶所三十六隻

一清江提舉司造船

南京衛分一千五百八十隻

錦衣衛一十八隻

金吾後衛一十四隻

羽林右衛一十七隻

虎賁左衛。三十隻

府軍衛。二十三隻

府軍右衛。二十一隻

神策衛。二十三隻

留守中衛。二十一隻

留守左衛。二十九隻

龍虎衛。四十八隻

驍騎右衛。二十六隻

鎮南衛。三十七隻

廣洋衛。一百四隻

龍江右衛。一百三十九隻

江陰衛。七十七隻

豹韜左衛。一百二十八隻

鷹揚衛。三十一隻

旗手衛。二十四隻

羽林左衛。九隻

潘陽右衛。八隻

金吾前衛。二十四隻

武德衛。三十五隻

留守右衛。四十三隻

虎賁右衛五十五隻

橫海衛七十二隻

水軍右衛七十三隻

豹韜衛三十四隻

興武衛四十隻

龍虎左衛一百四十二隻

水軍左衛一百六十隻

龍江左衛九十一隻

江北直隸二千三百八十五隻

淮安衛二百一十二隻

大河衛三百三十二隻

邳州衛一百三十三隻

泗州衛三百二十四隻

壽州衛一百三十六隻

徐州衛一百二十三隻

徐州左衛一百七十二隻

歸德衛四十九隻

揚州衛一百四十三隻

通州守禦千戶所五十四隻

泰州守禦千戶所四十八隻

鹽城守禦中左千戶所四十四隻

高郵衛一百四十二隻

興化守禦千戶所四十一隻

儀真衛一百一十隻

滁州衛七十九隻

廬州衛一百四十六隻

六安衛九十七隻

中都留守司七百七十五隻

鳳陽中衛一百九隻

懷遠衛九十四隻

留守左衛一百八隻

鳳陽右衛一百隻

鳳陽衛九十九隻

長淮衛一百二十七隻

留守中衛七十五隻

洪塘湖屯田千戶所二十隻

宿州衛二十隻

武平衛二十三隻

一衛河提舉司造船

北直隸九十三隻

德州左衛三十五隻

德州衛三十隻

天津衛八隻

天津左衛三隻

天津右衛六隻

通州右衛二隻

通州左衛二隻

神武中衛五隻

定邊衛二隻

山東五百四十一隻

臨清衛二百三隻

東昌衛五十二隻

平山衛七十五隻

濮州備禦千戶所一十八隻

東平守禦千戶所一十九隻

濟寧衛一百二十五隻

兗州護衛四十九隻

遮洋船三百四十六隻

大河衛五十四隻

揚州衛三十六隻

水軍左衛。二十四隻
龍江左衛。二十一隻
龍江右衛。二十五隻
水軍右衛。二十隻
廣洋衛。二十四隻
江陰衛。二十一隻
應天衛。二十二隻
淮安衛。三十二隻
長淮衛。三十六隻
高郵衛。二十五隻

橫海衛。二十六隻
船式樣

底長五丈二尺
頭長九尺五寸
梢長九尺五寸
底闊九尺五寸
底頭闊六尺
底梢闊五尺
頭伏獅闊八尺
梢伏獅闊七尺

梁頭一十四座

底板厚二寸

棧板厚一寸七分

釘一尺三釘

龍口梁闊一丈。深四尺

使風梁闊一丈四尺。深三尺八寸

後斷水梁闊九尺。深四尺五寸

兩廠共闊七尺六寸

造糧船則例

一清江提舉司。每年該造船五百三十三隻。

每隻該用銀一百兩。以三分為率。原船舊料一分。旗軍自備一分。官給一分。該銀三十三兩三錢。共該銀一萬七千七百四十八兩九錢

一衛河提舉司。每年該造船一百三十隻。遮洋船三十五隻。每隻該用銀一百二十兩。以十分為率。除原船舊料三分外。官給新料銀八十四兩。共該銀二千九百四十兩。淺船九十五隻。每隻以三分為率。原船舊料一分。旗軍自備一分。官給一分。該銀三十三兩三錢。

共該銀三千一百六十三兩五錢。通該銀六千一百三兩五錢。○成化十七年。議定清江衛河。二提舉司造船料價銀。共一萬七千兩。○二十一年。議准。淺船舊料一分。每隻。漆銀一十一兩六錢六分有零。連前官給。共銀四十五兩。二提舉司出批。差人於浙江杭州。湖廣荊州。二抽分廠領回。分給官軍。聽其買料。從便造完。順運糧。赴本部原差提督。二提舉司官處查驗印烙。○弘治三年。議准。每船一隻。官給銀五十兩。軍自辦五十兩。舊船准二

十兩。共銀一百二十兩。○十四年。議准。每隻增銀五兩。荊州銀價。悉於蕪湖取用。

各船禁例

天順元年。令馬快等船。裝送官物。除本船軍夫外。若每船添夫。開文。開寫上水二十名。下水五名。軍三民七出辦。非奉

旨。不許開文。開寫添撥人夫字樣。違者許所在官司。指實具奏。違例應付者。一體治罪。○成化四年。奏准。馬快船。不許附帶私鹽客貨。若於開文外。多索一夫一軍。及分開前驅。逼取錢

物者。巡河御史。按察司官。將隨從人役。并附船各商。拏問。民編口外。軍發邊衛。鹽貨入官。○九年。兵部奏准。南京進時鮮等項船隻。照依所擬隻數。差撥運送。仍於管運官員關文內。明白開寫數目。以憑沿河官員。查照應付。本部。仍通行淮揚迤北一帶。巡撫。巡按。管河。洪閘等官。各行所在官司。凡遇各起進鮮等項船隻。經過。務要逐一查驗。比與今次所擬隻數相同。方許應付人夫。拽送前去。不許畏避。將夾帶數外船隻。一槩應付。○十年。令馬

快等船。每駕船軍餘一名。食米之外。聽帶貨物三百斤。凡南京差人奏事。乘坐官船。私載貨物者。聽巡河御史。郎中。及管洪閘主事。盤問治罪。凡漕運軍人。許帶土產。換易柴鹽。每船不得過十石。違者。盤檢入官。凡船。非載進貢

御用之物。用響器者。治罪。其器沒官。凡南京馬快船到京。遇有順差。兵部給印信揭帖。備開船數。及小甲姓名。付與執照。預行整理河道郎中等官。督令沿途官司。查帖驗放。若給無官帖。

而擅投豪勢之人坐回。及私自回者。究治。凡
運糧馬快商賈等船。經由津渡。巡檢司照驗
文引。若豪勢之人。不服盤詰。聽所司拏送巡
河御史。郎中處。究治。○十二年。奏准。馬快船
隻櫃扛。務要南京內外守備官員。會同看驗。
酌量數目。開報南京兵部。照例。會同給事中。
御史。看驗。十分滿載。方許發行。○弘治十三
年。議准。凡黃船附搭客貨。及夾帶私物者。小
甲客商人等。俱問發極邊衛分。永遠充軍。貨
物入官。若客商人等。止是空身附搭者。亦連

小甲。俱發附近衛分充軍。○凡官民人等。不
許擅造二桅以上。違式大船。

車輛

諸司職掌

凡大小車輛。若有成造。及修理者。務要計筭
合用木植。魚膠。鐵箍等項物料。行下丁字庫
等衙門。依數放支。如式修造。其有司預備車
輛。必須備知其數。倘或需索使用。酌量勞逸
多寡撥與

牛車一輛合用

榆木三根

棗木一根

槐木一根

杉木板枋一根

魚線膠一片

鐵箍八箇

鐵釘四十枚

鐵穿四箇

車澗八條

車頭二箇

事例

洪武五年。令造獨轆車。山西。河南。八百輛。北平。山東。一千輛。○永樂十三年。令各處造車。務用乾燥堅壯木植。依降去樣車成造。就於車上。編號印烙。附冊開寫看驗提調官吏。并匠作姓名。日後有不堅固。照名究治。○正統十四年。造戰車一千輛。每輛上用牛皮十六張。下用馬皮二十四張。

計各處造車數目

河南布政司。一千四百輛

都司五百輛

陝西布政司五百輛

都司三十輛

山東布政司一千二百五十輛

都司六百二十輛

山西布政司一千五百輛

都司八百輛

鳳陽府二百五十輛

徐州三十輛

淮安府一百五十輛

淮安衛二十五輛

大河衛二十五輛

壽州衛二十輛

泗州衛二十輛

邳州衛二十輛

中都留守司一百五十輛

宿州衛二十輛

徐州衛二十輛

北京行後府一千輛

大明會典卷之一百六十

大明會典卷之一百六十一

工部十五

織造

各項織造皆隸本司。

誥勅亦織造之一事。至於造冠服器用。必有物料。造斛斗秤尺。各有法則。皆見於諸司職掌。今具列事例于後。

段疋

諸司職掌

凡供用袍服段疋及祭祀制帛等項。須於內府置局。如法織造。依時進送。每歲公用段疋務。

要會計歲用數目。並行外局織造。所用物料。除蘇木。明礬。官庫足用。蠶絲。紅花。藍靛。於所產去處。稅糧內折收。槐花。梔子。烏梅。於所產令民採取。按歲差人。進納該庫支用。

丹礬紅每斤染經用

蘇木一斤

黃丹四兩

明礬四兩

梔子二兩

黑綠每斤用

靛青二斤八兩

槐花四兩

明礬三兩

深青每斤用

靛青四斤

蠶絲

湖州府六萬斤

紅花

山東七千斤

河南八千斤

藍靛

應天府二萬斤

鎮江府二萬斤

揚州府二萬斤

淮安府二萬斤

太平府二萬斤

槐花

衢州府六百斤

金華府八百斤

嚴州府六百斤

徽州府一千斤

寧國府八百斤

廣德州二百斤

烏梅

衢州府一千五百斤

金華府二千斤

嚴州府一千四百斤

徽州府一千五百斤

寧國府一千五百斤

廣德州五百斤

施子

衢州府五百斤

金華府五百斤

嚴州府二百斤

徽州府五百斤

寧國府五百斤

廣德州二百斤

大明令

凡局院成造段匹務要緊密顏色鮮明丈尺斤兩不失原樣局官常切比較工程合用絲

料申請提調正官嚴加提督。但有不堪究治追陪

事例

計各處歲造段疋數目

浙江等布政司并直隸蘇松等府州縣每年織造紵絲紗羅綾紬絹共三萬五千三百二十四疋一丈七寸六分。遇閏月加二千六百六十二疋二丈八尺八寸二分。浙江布政司。紵絲紗羅紬共一萬二千八百一十七疋。遇閏月加八百五十一疋。

紵絲一萬四百三疋。線羅五百二十疋。生平羅一千疋。紗三百六十六疋。色紬五百二十八疋。遇閏月。加紵絲七百九十五疋。線羅三十一疋。生平羅二十五疋。

江西布政司。紵絲二千八百三疋。遇閏月。加二百四十五疋。

河南布政司。紵絲八百疋。遇閏月。加六十七疋。

山東布政司。紵絲七百二十疋。遇閏月。加六十疋。

福建布政司。紵絲二千二百五十八疋。遇閏月。加一百九十一疋。二丈四尺。

湖廣布政司。紵絲一千九百六十一疋。遇閏月。加一百六十九疋。

山西布政司。綾絹一千疋。遇閏月。加八十六疋。綾五百疋。絹五百疋。

四川布政司。闊生絹四千五百十六疋。遇閏月。加三百七十七疋。

直隸

蘇州府。紵絲一千五百三十四疋。遇閏月。加

一百三十九疋

松江府。紵絲一千一百六十七疋。遇閏月加九十七疋。

鎮江府。紵絲一千四百四十疋。遇閏月加一百二十疋。

常州府。紵絲一百疋。遇閏月加一十七疋。

徽州府。紵絲七百二十一疋。遇閏月加四十八疋。

寧國府。紵絲六百九十六疋。遇閏月加四十七疋。

廣德州。紵絲二百四十疋。遇閏月加一十四疋。

揚州府。紵絲紬絹共一千一百三十二疋。遇閏月加七十二疋。闊生絹七百一疋。紵絲一百三十一疋。紬三百疋。改織紵絲一百疋。自天順三年起。

太平府。闊生絹五百疋。遇閏月加四十二疋。池州府。闊生絹共二百一十一疋。一丈七寸二分。遇閏月加二十疋。四尺八寸二分。安慶府。闊生絹六百八疋。遇閏月不加。

織染局衙門

內府置局及外局織造所用物料。諸司職掌已具。

今併以天下織染局具列于後

計天下織染局

浙江杭州府

紹興府

嚴州府

金華府

衢州府

台州府

温州府

寧波府

湖州府

嘉興府

江西布政司

福建福州府

泉州府

四川布政司

河南布政司

山東濟南府

直隸鎮江府

蘇州府

松江府

徽州府

寧國府

廣德州

凡織造段疋。闊二尺。長三丈五尺。額設歲造者。闊一尺八寸五分。長三丈二尺。歲造段疋。并闊生絹。送承運庫。

上用段疋。并洗白。腰機。畫絹。送織染局。婚禮紵絲。送針工局。供應器皿。黃紅等羅。并只孫。襦裙。發文思院。○洪武三年。定神帛。織文。郊祀。上天及配饗。皆曰郊祀制帛。

太廟祖考。曰奉先制帛。

親王配饗。曰展親制帛。

社稷。歷代帝王先師孔子。及諸神祇。皆曰禮神制帛。

功臣。曰報功制帛。蒼白青黃赤黑。各以其宜。

○二十三年。罷天下歲織段疋。凡有賞賚。皆給絹帛。如或缺乏。在京織造。○宣德十年。令

各處解到段疋。原解人員。連原封。同該司官吏。辨驗御史。送至

午門內。會同禮監委官及庫官。揀驗堪中。收庫。不許在部開封。○正統元年。令各處歲造段疋等物。該府州縣官。將織染局。見在各色入匠。機張及歲辦。并關支顏料等物數目。開報巡按官。以憑稽考。○十二年。奏准。歲造段疋。俱令腰封編號。開寫提調及經織造官吏匠作姓名。不堪用者。照號問罪。責其陪償。

誥勅

諸司職掌

凡文武官員

誥勅照依品級制度。如式製造。所用五色紵絲誥身。誥帶黃蠟花椒。白麩紙劄等項。差人赴

內府織染局等衙門關支。其公侯襲封鐵券。行下寶源局依式打造。所用瓜鐵木炭。須於丁字庫抽分竹木局關支。如遇完備。進赴

內府鑄嵌

鐵券尺寸

公

一様高一尺

闊一尺六寸五分

二様高九寸五分

闊一尺六寸

侯

三様高九寸

闊一尺五寸五分

四様高八寸五分

闊一尺五寸

五様高八寸

闊一尺四寸五分

伯

六様高七寸五分

闊一尺三寸五分

七様高六寸五分

闊一尺二寸五分

事例

洪武二年。新製鐵券。給賜功臣。面刻

誥文。背鐫免罪減祿之數。字嵌以金。為左右二面。

合以字號○凡

誥。織用五色紵絲。其前織文曰

奉天誥命。

勅。織用純白綾。其前織文曰

奉天勅命。俱用升降龍文。左右盤繞。後俱織某年

月日造帶。俱用五色

冠服

諸司職掌

凡製造

皇帝皇太子親王衮冕袍服。務要擇日興工。仍擇日以進。其餘婚禮粧奩。并太常寺祭服淨衣。及給賜衣服冠帶。喪禮衫巾。并行移針工巾帽。二局如法製造。其給賜衣服冠帶。須要預先多辦。以備不時賞賜。

給賜衣服冠帶

圓領

貼裏

紗帽

角帶

事例

永樂十二年。添設主事一員。於六科廊專管

成造賞賜衣服。其紵絲紗羅絹布。每套俱有圓領襖。襖貼裏。或女衣。或幼小男女衣。賞賜番僧。則用紵絲禪衣。紵絲賞古麻。髦哈喇藍綾貼裏。絹衣。貼裏青布衣。各壇該用絹布淨衣。每年三起成造。共八百五十九套。每套四件。共三千四百三十六件。

器用

諸司職掌

凡供用器物。及祭祀器皿。并在京各衙門合用。一應什物。行下該局如法成造。若金銀銅

鐵等器。隸寶源局。皮革。隸皮作局。竹木。隸營造所。疋帛。隸文思院。皆須度量所料物色。委官覆實相同。不許多支安費。

事例

洪武元年。令

太廟器皿。易以金。造

乘輿服御諸物。應用金者。以銅代之。○二年。定祭

器皆用磁。○十七年。製祔

廟冊寶。以檀香為之。冊文。填以金。○永樂間。設器皿廠。本部添設郎中一員。專管。廠內十二作。白

餞金。油漆。木。竹。銅。錫。捲胎。蒸籠。桶。鑊。祭器。鐵
索。每年光祿寺坐出該用器皿數目。題送本
部奏准。劄付本廠修造完備。該寺差人領用
○又令守衛官軍木牌。更造以銅。○正統十
四年。奏准。今後在京易辦不急之務。如馬槽
之類。不必遠取。○成化五年。令

親王謚冊寶。本部促辦。付掌行喪禮等官順齋。其
冥器。下所司就彼製造。○六年。奏准。內監歲
用馬槽。及他器皿。令南京類送價直在京成
造。○十二年。奏准。歲造器皿。定數一萬件。本

部造七千件。南京工部三千件。○二十一年。
詔南京工部成造馬槽馬椿等項粗重之物。沿途
軍民運送勞擾。自今停免。以後缺用。在京衙
門成造。○弘治二年。奏准。漆造器皿一萬二
千件。本部八千四百件。南京工部三千六百
件

凡每歲

上用蠅拂等物南京

內府造成。守備官差人齎至

御前進收

凡各

王府及儀賓

誥命每軸造匣裝盛。并用紅袱紅綿等物包裹。齎送。

斛斗秤尺

諸司職掌


凡使用斛斗秤尺。着令木秤等匠計筭物料。如法成造。所用鐵力木。杉木。板枋。生鐵等項。行下龍江提舉司等衙門照數放支。其合用。鍤鈎。行下寶源局督工鑄造。如是成造完備。

移咨戶部較勘收用

事例

洪武元年。令鑄造鐵斛斗升。付戶部收糧。用以較勘。仍降其式於天下。○正統元年。奏准。蘇松等處原降鐵斛斗升。年久廢失。見存者少。行南京工部照舊式鑄造。給領收掌。以備較勘。○又令各處斛斗秤尺。府州縣正官照依原降式樣。較勘相同。官民通用。仍將式樣。常於街市懸掛。聽令比較。

大明會典卷之一百六十一



書